



Programa ji bo tenduristî, dermankirin û lènêrînê

Programa ji bo tenduristî, dermankirin û lènêrînê ji bo wan kesan e ku dixwazin bi însanên di temen û rewşên cuda de ne re karbikirin.

Ev dikare weke mînak karekî di sektora xebata demên vala yan jî pêşdibistanê de be. Ev her weha dikare karekî bi kesên kalûpîr re be û li ser dermankirin û lènêrîna wan mijûl bibe.

Program her weha ji bo wan kesan e jî ku bala wan li ser pirsên wekî ka gelo xwarin û spor bandoreke çawa li ser me însanan dike.

Divê tu hez bikî bi însanan re kar bikî û her weha xizmet pêşkêşî wan bikî.

Di programê de van tiştan hîn dibî

Tu dê di warê pêşkeftina însanan û pêdiviyên wan yên cuda de werî perwerdekirin, bi taybetî jî di warê kalûpîr û zarokan de.

Her weha di warê kêmasiyên fonksiyonî yên cuda de, dermankirin û lènêrînê de tu dê zanebûn û agahîyan wergirî.

Her weha derfet ji te re tê dayîn ku di warê tenduristî û nesaxîyan de zanebûnan peyda bikî.

Tu dê her weha hîn bibî jî ka hîlbijartina stîl û awayên jîyanê bandoreke çawa li ser tenduristîyê dike.

Di programê de dê di derbarê mafên mirovan de zanebûn werine dayîn û tu dê li ser nixrên demokratîk û pirsên etîkî de bibî xwedî fikrekê.

Pirsên jîngeha kar beşeke girîng ya programê ye, ji bo ku di pêşerojê de tu li cihê kar zeraî nebin û her tim bibî xwedî tenduristîyêke baş.

Program wiha hatiye amadekirin

Dersên hevpar yên dibistanên taybet yên lîseyê.

Di programên neteweyî de dersên ku herkes divê bixwîne hene. Ji vana re dibêjin dersên hevpar yên dibistanên taybet yên lîseyê.

Ev ders vana ne:

- inglîzî
- xebata estetîkî
- dîrok
- spor û tenduristî
- matematîk
- xwezazanî

- olzanî
- civakzanî
- swêdî yan jî swêdî weke zimanê dûemîn.

Dersên hevpar yên programê

Di programê de dersên pişeyî yan jî dersên taybetmendî hene ku ji wan re dibêjin dersên hevpar yên programê. Hemû şagirdên li programa tenduristî, dermankirin û lînêrînê divê van dersan bixwînin:

Vana jî ev in:

- tenduristî
- însan
- xizmet û pêşwazîkirin
- dermankirin û lînêrîn.

Pêdaketina hûrûkûr ya programê

Tu her weha çend dersên din jî dixwîni ku di beşa te hîlbijartîye de bêtir zanebûnan dide te. Ji vana re dibêjin pêdaketina hûrûkûr ya programê.

Ji ber ku dibistanên cuda di warê pêdaketina hûrûkûr ya programê de dersên cuda pêşwazî dikin tu dikarî bi xwe ji dibistana miraceatê wê dikî bipirsî ka li cem wan kîjan dersên pêdaketina hûrûkûr ya programê têne dayîn.

Her weha li ser webcîhê www.skolverket.se, di bin beşa Förskola och skola (Pêşdibistan û dibistan) dikarî bêtir li ser pêdaketina hûrûkûr ya programê bixwîni.

Hilbijartina şexsî

Tu her weha hîlbijartîneke şexsî jî dikî. Tu dikarî çend dersên ku di programê de cîh nagirin, lê ji aliyê hemû şagirdên li dibistanê ve dikarin werin xwendin, hîlbijêrî.

Pîlana dersan

Ji bo her dersek li Lîseyê perwerdeya taybetî pîlaneke dersan ya bi kursên pûankirî heye.

Heger tu serkeftî bî midûr dikare biryar bide ku tu kurs yan jî dersên li dibistana lîseyê bixwîni. Bi wî awayî pêşbirkexwazîya perwerdeya te zêdetir dibe.

Not û qarne

Dema kursek bi dawî bû tu jê not werdigirî. Mamoste dê zanebûnên te binirxîne û wan bi şertên di dereceyên notên A, C û E re miqayese bike.

Apl

Wan zanebûnên ku te li programê wergirtîne li kargehekê dikarî biceribînî û bikarbinî. Ji vê re dibêjin perwerdeya li cihê kar (arbetsplatsförlagt lärande, apl).

Xebata dibistana lîseya taybet

Bi armanca ku nişan bidî tu ji bo wezîfeyên cuda yê xebatê baş amade yî tu dê xebateke di Lîseya perwerdeya taybetî pêk binî.

Ji ber ku divê xebata dibistana lîseya taybet temamiya perwerdeya te nişan bide tu vê yekê di dawîya perwerdeya xwe de pêk tînî.

Pîlana perwerdeyê ya şexsî

Pîlaneke perwerdeyê ya şexsî ya te heye. Di wir de ew ders û kurs hatine rêzkirin ku tu dê di dema xwe ya lîseyê de bixwînî.

Hemû biryarên di derbarê ka tu dê çi bixwînî de pêwîst e di pîlana perwerdeyê ya şexsî de çîh bigirin.

Dîploma Lîseya perwerdeya taybetî

Dema tu piştî çar salan Lîseya perwerdeya taybetî bi dawî dikî ji te re dîplomayek tê dayîn. Di dîplomayê de ew zanebûn û tecrûbeyên te yê ji Lîseya perwerdeya taybetî hatine nivîsandin.

Ev dîploma nişan dide ka te di nav çar salên xwe yê li Lîseya perwerdeya taybetî de çend pûan xwendine.

Heger te notên pejirandî ji kursên bi gîştî ji 2500 pûanî wergirtîye wê demê tu dibî xwediyê perwerdeyêke temamiya dibistana lîseya taybet.

Di programê de wisa dixebitî

Di programê de li ser pirs û problemên cuda bi awayên teorîkî û pratîkî kar dikî.

Tu tena serê xwe û bi tevlî kesên din re kar dikî.

Di programê de tu têyî perwerdekirin ku wezîfeyên cuda pêk binî, weke mînak alîkarîya însanan bikî ku karibin werin dermankirin û karê xwe yê rojane yê li malê pêk binin.

Tu her weha di warê karê xulîkkarî û jîyana werzişê derve de têyî perwerdekirin ji bo ku karibî wan zanebûnên xwe ji bo kesên bi temenên cuda bikar binî.

Di programê de li ser nîqaşkirinê, fikirandin û gotina nêrîna xwe mijûl dibî.

Tu her weha hîn dibî ku îzah û îfade bikî ka tu problem û pirsên xwe çawa çareser dikî û dersên xwe pêk tînî.